



REPUBLIKA E SHQIPËRISË

PROKURORIA PRANË GJYKATËS SË SHKALLËS SË PARË ELBASAN

URDHËR

Nr.66, datë 21.07.2021

PËR MIRATIMIN E PLANIT TË VEPRIMIT PËR MASAT ADMINISTRATIVE DHE
PROCEDURALE NË PROKURORINË PRANË GJYKATËS SË SHKALLËS SË PARË
ELBASAN PËR ZBATIMIN E REZOLUTËS SË
KUVENDIT DATË 14.06.2021 "PËR VLERËSIMIN E VEPRIMTARISË
SË PROKURORISË PËR VITIN 2020"

Në mbështetje të Kushtetutës së Republikës së Shqipërisë, neneve 21 dhe 42, shkronja "a" të ligjit nr.97/2016 "Për organizimin dhe funksionimin e Prokurorisë në Republikën e Shqipërisë", ligjit nr.7905, dt.21.03.1995 "Kodi i Procedurës Penale", i ndryshuar, ligjit nr.7895, dt.27.01.1995 "Kodi Penal", i ndryshuar, ligjit nr.96/2016 "Për statusin e gjyqtarëve dhe prokurorëve në RSH", Vendimit të Këshillit të Ministrave nr.326, datë 02.06.2021, "Për miratimin e rekomandimeve prioritare në luftën kundër kriminalitetit për vitin 2021", si dhe Urdhërit nr.79 dt. 09.07.2021 "Për miratimin e planit të veprimit për zbatimin e Vendimit të Këshillit të Ministrave nr.326, datë 02.06.2021, "Për miratimin e rekomandimeve prioritare në luftën kundër kriminalitetit për vitin 2021" të Prokurorit të Përgjithshëm:

URDHËROI:

1. Miratimin e Planit të Veprimit në Prokurorinë pranë Gjykatës së Shkallës së Parë Elbasan, për zbatimin e Vendimit të Këshillit të Ministrave nr.326, datë 02.06.2021, "Për miratimin e rekomandimeve prioritare në luftën kundër kriminalitetit për vitin 2021", sipas tekstit bashkëlidhur.

2. Për zbatimin e masave të Planit të Veprimit ngarkohen Drejtuesit e Seksioneve, prokurorët dhe oficerët e policisë gjyqësore të të gjitha strukturave, Kancelarja, si dhe nëpunësit e prokurorisë në të gjithë nivelet.

3. Në ecurinë e zbatimit të masave të këtij plani veprimi, Drejtuesit e Seksioneve të Prokurorisë shqyrtojnë dhe kujdesen:

i. të ndjekin, koordinojnë dhe monitorojnë në vazhdimësi zbatimin e masave në përputhje me afatet e percaktuara në planin e veprimit;

ii. të raportojnë për statusin e masave sipas fushës së përgjegjësisë së strukturës që drejtojnë;

iii. të nderhyjnë dhe koordinojnë veprimet kur masat rezultojnë të pazbatuara;

iv. t'i raportojnë Drejtuesit të Prokurorisë me shkrim, çdo muaj për realizimin e masave dhe/ose aktiviteteve.

4. Me kërkesë të Drejtuesve të Seksioneve, ose kryesisht, Drejtuesi i Prokurorisë mund të thërrasë mbledhje të drejtuesve apo prokurorëve të Prokurorisë për të vlerësuar ecurinë e zbatimit të masave të këtij plani veprimi.

5. Drejtuesi i prokurorisë, periodikisht çdo 2 (dy) muaj, dhe sa herë kërkohet, si dhe nëpërmjet raportit vjetor mbi ecurinë e punës së prokurorisë, informon Prokurorin e Përgjithshëm, për masat administrative dhe procedurale të marra për zbatimin e kërkesave të Rekomandimeve prioritare të Këshillit të Ministrave, të shoqëruar me tregues statistikorë të sakte e analitik dhe me shpjegime të qarta mbi angazhimet, arritjet e problematikat, si dhe me vlerësimin si ka ndikuar zbatimi i kërkesave të rezolutës mbi gjendjen e kriminalitetit dhe performancën e prokurorisë.

6. Me këtë urdhër të njihen prokurorët, oficerët e policisë gjyqësore të seksionit dhe strukturave hetimore në shërbimet e policisë gjyqësore, si dhe nëpunësit e prokurorisë në të gjithë nivelet.

7. Një kopje e këtij urdhëri i'u komunikohet nëpërmjet postës elektronike zyrtare @pp.gov.al.

8. Një kopje e këtij urdhëri i dërgohet Prokurorisë së Përgjithshme për njoftim dhe publikim në faqen zyrtare.

9. Ky urdhër hyn në fuqi menjëherë.

DREJTUESI I PROKURORISË

Kreshnik AJAZI

PLANI I VEPRIMIT
PËR ZBATIMIN E REKOMANDIMEVE PRIORITARE TË KËSHILLIT TË
MINISTRAVE NË LUFTEN KUNDËR KRIMINALITETIT PËR VITIN 2021

Me qëllim për të unifikuar ndjekjen dhe zbatimin e Vendimit të Këshillit të Ministrave nr.326, datë 02.06.2021, "Për miratimin e rekomandimeve prioritare në luftën kundër kriminalitetit për vitin 2021", në luftën kundër kriminalitetit për vitin 2021 në kompetencë lëndore të Prokurorisë Pranë Gjykatës së Shkallës së Parë Elbasan Elbasan me objektiv përcaktimin e masave administrative dhe procedurale që duhet të merren për realizimin e përparsive që sigurojnë zbatimin hartohet ky plan veprimi.

1. GARANTIMII PAVARESISE DHE I PERGJEGJISHMERISË SË PROKURORIT

1. Brenda 5 muajve të merren masa për rritjen e rolit aktiv të prokurorit në hetimin paraprak, në funksion të shtimit të hetimeve të filluara kryesisht nga vetë organi i prokurorisë, duke ju kërkuar prokurorëve që në rastet që ata mund të marrin dijeni nga media apo informacionet që ata mund të administrojnë për shkak të funksionit të tregohen sa më aktivë për fillimin kryesisht të hetimeve.

2. Në vazhdimësi të nxiten prokurorët që të ushtrojnë kontroll efektiv në punën e OPGJ-ve, duke u inkurajuar ata që të evidentojnë rastet që duhen proceduar në rrugë disiplinore për shkak të zvarritjeve dhe mungesës së dilijencës në përmbushjen e detyrave që u ngarkon ligji.

3. Brenda muajit shtator 2021 të evidentohen shqetësimet dhe vështirësitë që hasin prokurorët dhe/ose oficerët e Policisë Gjyqësore të kësaj prokurorie lidhur me kuptimin dhe zbatimin e dispozitave të reja të ligjit penal e procedural penal, metodikat/protokollet e hetimit për vepra ose grupvepra penale dhe më pas ,të organizohen trajnime të oficerëve të Policisë Gjyqësore dhe prokurorëve ,duke ia paraqitur këto shqetësime Prokurorisë së përgjithshme dhe Shkollës së Magjistraturës për të mundësuar trajtimin e tyre në programet e trajnimeve vazhduese,si dhe në vazhdimësi të merren masa për rritjen profesionale dhe organizimin e trajnimeve për prokurorët dhe oficerët e policisë gjyqësore, në fusha specifike, sipas ndarjes së tyre në seksione brenda prokurorisë,

4. Në vazhdimësi të merren masa për garantimin e paanshmërisë dhe shmangien e çdo lloj influence ose ndikimi ndaj prokurorit gjatë kryejtes së hetimeve, duke u inkurajuar prokurorët që të raportojnë pa asnjë hezitim rastet kur ndaj tyre është ushtruar ndonjë influencë apo ndikim kundraligjshëm.

5. Në vazhdimësi, në kuadër të forcimit të mekanizmave të kontrollit dhe të llogaridhënies së prokurorit, nga Drejtuesi i Prokurorisë nëpërmjet kërkesave për informacion dhe udhëzimeve jo detyruese do të mundësohet kontrolli sipas parashikimeve ligjore, si dhe në rast se konstatohen shkelje të rënda do të informohen ILD-ja, Këshilli i Lartë i Prokurorisë dhe Prokurori i Përgjithshëm, kjo dhe në kuadër të zbatimit të monitorimit të udhëzimit të përgjithshëm të Prokurorit të Përgjithshëm "Mbi rregullimin e marrëdhënieve mes prokurorëve dhe drejtuesve të prokurorisë, informimin, transparencën dhe garantimin e pavaresisë, në prokuroritë me juridiksion të përgjithshëm.

6. Në vazhdimësi do të identifikohen problemet dhe do të merren masa konkrete për përmirësimin e sistemit menaxhimit të "çështjeve" (CAMS) ,duke bashkëpunuar ngushtë me Drejtorinë e IT-së dhe Drejtorinë Ekonomike dhe Financës në Prokurorinë e Përgjithshme, me qëllim rishikimin dhe mirefunksionimin e sistemit elektronik të ndajtes së çështjeve, për sa i përket mënyrës së disponimit për çështje konkrete, gjykimet e posaqme, pasqyrimin e sakte të të dhënave në sistemin CAMS në të gjitha fazat e procedimit penal, si dhe kontrolli i vazhdueshëm mbi hedhjen dhe administrimin e këtyre të dhënave.

7. Në vazhdimësi do të merren masa nëpërmjet tërheqjes së vëmendjes apo udhëzimeve detyruese për manjen e masave për zbatimin e dispozitave të reja të Kodit Penal në praktikë, lidhur me situatën e pandemisë së COVID-19 dhe dhunën në familje.

II. LUFTA KUNDËR KORRUPSIONIT

1. Në vazhdimësi do të rritet cilësia e hetimeve për veprat penale në fushën e korrupsionit që janë kompetencë lëndore e Prokurorisë Pranë Gjykatës së Shkallës së Parë Elbasan, përfshirë përdorimin me efikasitet të teknikave proaktive të hetimit për aq sa është e mundur, si dhe duke rritur numrin e personave të hetuar dhe të dërguar për gjykim për këto vepra penale, si dhe ndjekjen me vendosmëri të kërkimeve për dënimin e autorëve të këtyre veprave.

2. Në vazhdimësi do të rritet numri i hetimeve proaktive pasurore dhe financiare, veçanërisht për rastet që lidhen me veprat penale në fushën e korrupsionit në kompetencë lëndore të kësaj prokurorie.

3. Në vazhdimësi do të synohet shtimi i numrit të hetimeve proaktive (çështje të filluara kryesisht) me qëllim përnirësimin e cilësisë së hetimeve të veprave kundër korrupsionit, në kompetencë lëndore të kësaj prokurorie.

4. Në vazhdimësi do të synohet shtimi i numrit sistematike pasurore dhe hetimit për veprat penale që gjenerojnë produkte/të ardhura, si dhe shtimi i asetëve të sekuestruara/konfiskuara.

5. Në vazhdimësi do të synohet zhvillimi i kapaciteteve profesionale nëpërmjet trajnimeve të perbashketa me fokus në luftën kundër korrupsionit me agjencite e zbatimit të ligjit, si dhe me oficeret e policisë gjyqësore.

6. Gjithashtu, në vazhdimësi do të ndiqen me përparësi kallëzimet/çështjet penale që kanë të bëjnë me veprat penale që prekin zgjedhjet e lira dhe sistemin demokratik të zgjedhjeve, duke kryer hetime të plota, të paanshme, të shpejta, me profesionalizëm dhe me efektivitet, në bashkëpunim me të gjitha agjencitë ligjzbatuese dhe SPAK-un.

III. LUFTA KUNDËR KRIMIT TË ORGANIZUAR

1. Në vazhdimësi do të forcohet më tej bashkëpunimi nderinstitucional ndërmjet strukturave të prokurorisë, policisë gjyqësore, policisë së shtetit dhe agjencive të tjera shtetërore, për zbatimin e objektit dhe qëllimin e ligjit për masat parandaluese në kuadër të forcimit të luftës kundër terrorizmit, krimit të organizuar, krimeve të rënda dhe konsolidimit të rendit e sigurisë publike.

2. Në vazhdimësi do të synohet përmirësimi i cilësisë së hetimeve për veprën penale të pastrimit të produkteve të veprës penale dhe atë të pastrimit të parave në funksion të rritjes së numrit të çështjeve dhe të pandehurve të dërguar për gjykim dhe përdorimit të teknikave speciale të hetimit, veçanërisht në rastet e hetimeve pasurore.

3. Në vazhdimësi do të synohet fuqizimin i bashkëpunimit ndërkombëtar nëpërmjet hartimit në kohë të lehtëporosive, në funksion të efektivitetit të hetimeve për veprat penale që lidhen sidomos me trafikimin e narkotikëve, pastrimit të parave, financimin e terrorizmit, trafikimin e qenieve njerezore, etj.

IV. FORCIMI I RESPEKTIMIT TË TË DREJTAVE TË NIERIUT

1. Në vazhdimësi do të synohet shtimi i numrit të rasteve të zbatimit të instrumenteve lehtësuese penale (marrëveshje, urdhri penal) dhe rritja e rasteve të gjyqimit të drejtperdrejtë, me synim hetimin dhe gjykimin e çështjeve penale në një afat sa më të shpejtë, duke mbajtur në konsideratë kompleksitetin, rrezikshmërinë e veprës, si dhe duke ruajtur efikasitetin dhe cilësinë e hetimeve.

2. Në vazhdimësi do të synohet nxitja e aplikimit të dënimeve alternative në rastet e veprave penale dhe/ose autorëve me rrezikshmëri të ulët shoqërore, veçanërisht në rastet e të miturve, personave vulnerabël dhe personave me probleme shëndetësore.

3. Në vazhdimësi do të vijojë ashpersimi i masave të sigurimit dhe masës së dënimit për veprat me natyrë gjinore, seksuale dhe diskriminuese, si dhe për rastet e keqtrajtimit/abuzimit/shfrytëzimit e trafikimit të fëmijëve.

4. Në vazhdimësi do të synohet rritja e cilësisë së hetimeve dhe ashpersimi i politikës penale për autorët e veprës penale të dhunës në familje.

5. Gjithashtu, në vazhdimësi do të ndiqen me përparësi kallëzimet/çështjet penale që kanë të bëjnë me veprat penale që prekin zgjedhjet e lira dhe sistemin demokratik të zgjedhjeve, duke kryer hetime të plota, të paanshme, të shpejta, me profesionalizëm dhe me efektivitet, në bashkëpunim me të gjitha agjencitë ligjzbatuese dhe SPAK-un..

V. FORCIMI I BASHKËPUNIMIT NDËRINSTITUCIONAL

1. Në vazhdimësi do të punohet për konsolidimin e bashkëpunimit nëpërmjet nxitjes për shkëmbim të të dhënave, kryerjes së analizave të përbashkëta për rastet e referuara, shkëmbimit dhe kërkimit të ekspertizës, krijimin e procedurave standarde hetimore me të gjitha agjencitë ligjzbatuese dhe institucioneve kombëtare dhe ndërkombëtare ne

funksion të hetimit të specializuar, të shpejtë dhe të gjithanshëm të grupeve kriminale me rrezikshmëri të lartë shoqërore dhe lehtësimeve proaktive që lidhen me veprat penale në fushën e pastrimit të parave, pastrimit të të ardhurave nga aktivitetet kriminale dhe terrorizmit.

2.Në vazhdimësi do të synohet forcimi i efektivitetit të hetimeve ndaj subjekteve që priren të kryejnë evazion fiskal, por edhe nëpunësve publike të administratës tatimore dhe asaj doganore, nëpërmjet bashkëpunimit me strukturat përkatëse tatimore dhe doganore,apo agjensi të tjera ligjzbatuese.

3.Brenda vitit 2021 do të synohet forcimi i kapaciteteve të seksionit të posaçëm kundër pastrimit të parave, krimeve financiare, financimin e terrorizmit dhe hetimet pasurore me qëllim rritjen e numrit dhe cilësisë së hetimeve për veprat penale në kompetencë të këtyre seksioneve.

4.Në vazhdimësi do të synohet që të përfshihen në kryetjen e veprimeve të përbashkëta hetimore oficerët e shërbimeve të tjera të policive gjyqësore, sidomos per rastet e referuara ne prokurori prej tyre, ne respektim te parimit per te caktuar si OPGJ oficerin e struktures referuese.

5.Në vazhdimësi do të synohet zhvillimi i kapaciteteve profesionale nëpërmjet trajnimeve të përbashkëta me oficerët e policive gjyqësore në drejtim të ligjshmerisë së veprimeve hetimore dhe vlerës së provave,veçanërisht në rastet e hetimeve financiare, evazionit fiskal dhe krimit kibemetik.